



www.BibleForChildren.org


Matiu 26




Namno
narane ngau
ame thokeni
nga narane
Gaghamu GhasaPolho
na, mae Jisas
neke pulo Betani, ka
namono aheva te au mae
Lasaros. Mae igne teke
lehe nu ke fakakarha
mae Jisas teku ia.




Ka vido
tuana Meri
ne hata ne mei
kaisei botol sedi
te ninhigrana fara
foligna na nei famane
sisiri keligina teuna, ne
totofa ka phia ghahegna
mae Jisas re ne
famomoja ka khaklagna
thegna te brahure.
Eghuteuna suga thongana
na ne fodu ka sisirigna sedi na.



Aonu mae Judas Iskariot, kaisei mae ka hatimare
nabotho pheĩ mae fanomho igre, ne teĩ cheke ka mae
pris ulure. Mae Judas
magnahaghei te snakre
laoni mae Jisas ka mare.




Mare ne keli tadi fara kate nomhini unha te chekeni
mae Judas igne. Mare nha' a cheke ka mae Judas
mala tusu ranghini mana keha
sileni. Aonu funu ka narane
tuana mae Judas ne ofoni
narane aheva nate snakre
laoni mae Jisas ka
mare na.



Mae fanomhore leghuni unha te
chekeni mae Jisas na ne tei
tarabana gaghamu na ka suga
teke magnahagheni mana na.
Kate ima mare na, mae Jisas hata
keha bret ne cheke fakelini ka God.
Mana piepiké ne tufa ka nogna mae
fanomhore, ne cheke egghu, "Hata
bret igne ima. Bret igne
thinigu iara."



Aonu mana jaola ne hata hinao te
fodu ka waen na ne cheke
fakelini ka God. Mana tufa ka nogna
mae fanomhore ne cheke egghu,
"Ghotilo te gnafa na ko' u waen igne.
Waen igne dadaragu iara,
farerhetagna nha' a cheke
majaghani te eni God ka nogna
naiknore. Dadara igne
thofa mala
fakarhidi
naikno kmana,
mala hata fadelei
God nakhibodi re.



Mae Jisas ne cheke eghu, "Ghema Simon, God ginauna na snakreni mae Satan mala fariuriu ghami ghotilo gnafa mala laseni mae ihei te maku nogna fatutuani na ka ghotilo. Nu iara tarai eimu iagho mala theome blogho iagho ka nou fatutuani na. Eghuteuna kate figri mei iagho ka iara na, iagho ke toghodi mae kheramu are mala ke heta fapulo mare nodi fatutuani na ka iara."



Nu mae Pita ne cheke eghu ka mae Jisas, "Lord, iara la tarabanahi te mala tei balumu iagho ka suga sosolo na, nei mala lehe balumu iagho!" Mae Jisas ne cheke eghu ka mae Pita, "Iara na cheke ari ka iagho, Pita. Iagho ginau bongi na na theome tanhi ngau khokorako na, na thilo fata chekeni ne theome lase ghau iara teuna."




Mae Jisas ne tei baludi
nogna mae fanomhore ka
kaisei vido te kiloni
Getsemani. Mana ne
cheke egghu ka mare,
"Gnokrou agne ka vido
te tei tarai iara jare na."




Mana ne tarai egghu,
"Mama! Mama! Glepo te
kmanare theome
ninhigrana ka iagho te
edire. Thosei snakre
ghau iara mala au papara
ka nafnata puhi igne.
Nu eni unha te
magnahagheni iagho
themu na, thosei leghui
unha te magnahaghei
iara na."



Mae Judas ne batuni kaisei tothoghei mae soldia ne
tei ka nagare na. Eghuteuna, mana ne hata langau
balugna keha mae soldia teke kukhuru mae
pris ulu nei hatimare mae Farasi. Mare ne
atha juta, nei juta jeklo ba
phoposa, nei keha glepo mala
magra eghu baludi. Kaisei mae
ka mae fanomhore ne hata
nogna naflahi na ne kusu
koko khuli fei nhetagna
nogna mae gloku mae pris
bi' o na.



Mae Jisas ne cheke eghu ka mana, "Ghema, kelihi!"
Mae Jisas habo lao ka khuligna mae gloku igne neke
keli fapulo.




Aonu mare ne lokini mae Jisas hatani mana ne tei ka
sugagna mae pris bi' o na. Mae Pita ne tei ke leghudi
mare, nu mana theome
tei namo ka mare.

Hatimare mae soldiare
ne eni kaisei kha' aghi
ke kosi ka glalabagna
suga na. Aonu mae
Pita gnokro
peha neu baludi
mare.



Kaisei mae ka nogna mae
gloku mae pris bi' o na
au jare. Mae igne
kaisei mae ka vikeгна
mae teke kusu koko
mae Pita khuligna na.



Mae gloku tuana ne
cheke egghu ka mae
Pita, "Tuani fara, iara
neke filo nigho iagho
balugna mae Jisas ka
nagare ia!" Nu mae Pita
chaghi ne cheke egghu ka
mana, "Theo! Theome iara!"
Ka vido narane te cheke teu
ngala mae Pita igne khokorako
na ne taitanhi. Aonu mae Pita
jifla kosi ne tanhi ne srudu
balu di' anagnafa.



Ke leghugna igne, tothoghei mae
fate igre hatani mae Jisas tei ka
mae Paelat. Mae Paelat ne ghusna
eghu ka mae Jisas, "Ba, iagho
thofno nodi king mae
Jiu gre sia ghema?"
Mae Jisas ne cheke
eghu ka mana, "Uve,
te chekenihi iagho tuana."




Nu mae Paelat magnahaghei
fara te hata fajiflani mae Jisas,
aonu mana ne cheke egghu ka
naiknore, "Iara magnahaghei te
hata fajiflani mae Jisas!"


Nu mare ne eha egghu
fabi' o mei ka
mana, "Tupijuruni!
Tupijuruni ka gaju
fafatha!"



Aonu, mae Paelat ne snakreni
mae Jisas ka mare mala
tupijuruni mana kau gaju
fafatha. Mae soldiare ne
hatani mae Jisas ne tei.
Jisas pala nogna gaju fafatha
thegna na ne jifla ka namono
bi' o na ne tei ka thogele te
kilo "Khorongosa", ka cheke
Hibru na "Golgota".




Jare mare ne
tupijuruni mae
Jisas ka gaju
fafatha na. Mare
ne tupijurudi
langau phia mae
balugna mae
Jisas, kaisei fei
mairi nei keha na
fei nhetagna,
eghuteuna mana
hotei.



Tanhi nabotho pheii fari hotei naublatha, ka narane
tuana namono te gnafa kau nauthoglu gne ne romno
soru ne theome prai ne ghilei tanhi thiloi fei grafi.

Eghuteuna pohe bi' o te gefe ka

Sugablahi na megei nga ne
breku pea. Ka vido tuana,
mae Jisas ne eha eghe
fabi' o, "Mama, iara snakre
ari ka iagho tharungagu
na." Ke leghugna igne
mana ne lehe.



Kaisei mae nanghagna na mae
Josep mae gna Arimatea mana
frane ne tei ka mae Paelat
ne toreni thinigna mae
Jisas na. Mana kaisei
mae bi'o ka
tothoghei mala
fate na.

Mae Josep
ne foli keha
pohe vegha, ne hata
soru thinigna mae
Jisas na ka gaju
fafatha na, ne pipiha
ka pohe tuana. Mana ne
lilisei thinigna mae
Jisas na ka gluma teke
jou mare kau thina
tataba na.



Eghuteuna mana kaisei mae te
ofoni fabrahu teu narane te
mala funei frunidi God
nogna naiknore.


Aonu mana ne
pili lao kaisei
thina bi 'o mala
fofothogna
gluma na.



Narane tuana, narane mala tarabana
eigna narane Sabat. Ka
keha narane na
hatimare mae pris ulu
nei hatimare mae
Farasi eghu ne tei
ka mae Paelat.



Mare ne cheke eghu ka mana,
"Mae bi' o, ghehati kela
ghathoni teke cheke
eghu mae te
chaichaghi ia kani
karha tekeu mana
ia, 'Iara ginauna
nake karha fapulo
ka fatilo narane
na."



"Aonu, mare ne kafe tei ka gluma
na ne famane bibilakhi
famaku thina bi'o teke
fofothogna gluma na
mala theome
tangomana kaisei
naikno te mei blau
thinigna mae
Jisas."



"Eghuteuna mare ne lilisei keha
mae soldia mala reireghi
fakeli gluma na."



Ke leghu narane Sabat, ghagra pasa
hamerane Sade, Meri Makidala
balugna keha Meri na repa
ne tei filo ka gluma na.

Aonu, kaisei nakheu
bi' o ne nghali ne
kheu tongana
gobigna lepore ka
vido tuana.




Eghuteuna, nogna engel LORD
na ne soru mei funu kligna
ne tei ka gluma na, ne pili
fadelei thina bi' o teke
fofothogna gluma
na ne gnokro ke
kligna thina.

Mae soldia
teke reireghi
gna gluma na ne
mhaghu nodi
fara ne uka pari
jateula mae tela
lehehi ra neu.



Engel na ne cheke egghu ka pheig
ga'ase re, "Thosei mhaghu.
Iara lase ghami ghopa
hironi mae Jisas, mae
iheiteke tupijuru
mare ka gaju
fafatha ia."



"Mana theome au agne. Mana kela
kegra fapulohi glehe, jateula
teke chekenihi mana ia
eghu. Mei si ghopa filoni
aheva teke au
thinigna mana na."



Aonu, repa ghosei chari ne tei funu ka
gluma na. Repa mhaghu nodi fara, nu
repa jaola thono gleale'a fara.

Aonu repa chari ne tei ne
toutonu ka nogna fanomho
mae Jisas re.



Nu mae Jisas megei nga ne thakle ka
repa ne cheke egghu, "Pharikeli!"
Eghuteuna repa tei ne loku ka
ghahegna mana re, ne cheke
fakelini mana.





Ke leghu na mae Jisas mei ne thakle ka nabotho
kaisei mae fanomhore, ka vido te ima teu mare na.
Mana mei ne cheke faheta ka mare, naugna mare ne
theome bi' o nodi fatutuani na. Mare ne maku fara
nagnafadire ne theome fatutuanidi iheire teke filoni
mana ke leghugna teke karha fapulo mana ka glehe
na. Kate gnafa cheke Lord Jisas ka nogna mae
fanomhore, God ne hata haghenei mae Jisas kligna.
Eghuteuna mana gnokro fei nhetagna God.



God ne namhadi fara naikno te au kau
nauthoglu igne. Naugna igne mana ne
snakre meini thofno mae Thugna
kaisei ngala mala ihei te fatutuani
ni mana na ginauna theome lehe
fabrahu, nu mana na
karha fabrahu
tifa tifa.



Rom 3:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Rom 6:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Hibru 9:27 Naikno te gnafare na kaisei
fata lehe kolho, ke leghugna igne
God ginauna fatedi mare.



Efesus 2:8,9 Ka narane teke fatutuani ghotilo na, God neke fakarhi ghami. Ghotilo theome tangomana te fahaehaghe ghami themi neke hatini thofno nakarha na naugna gloku teke edi themire teuna. Theo. Ghotilo neke hatini thofno nakarha igne ka nogna khokofakasai God.

Rom 10:9,10 Jame te cheke egghu iagho ke uludi naikno te gnafare, "Jisas na mae funei!" Eghuteuna te thofno fatutuani iagho ka nagnafamu na, God neke fakarha fapuloni mana kau glehe teuna, mana ginauna fakarha nigho iagho. Naugna te fatutuani tahati ka nagnafada na, God na toggho ghita mala au doglo ka tathagna thegna na. Eghuteuna te cheke thakleni tahati noda fatutuani na, God ginauna na fakarha ghita.



Jone 3:16,17 God ne namhadi fara naikno te
au kau nauthoglu igne. Naugna igne mana ne
snakre meini thofno mae Thugna kaisei
ngala mala ihei te fatutuani ni mana na
ginauna theome lehe fabrahu, nu mana na
karha fabrahu tifa tifa.

Naugna God neke theome kuru meini mae
Thugna na ka nauthoglu gne mala mei fateni
ihei te jafra ka nauthoglu igne, nu mei mala
karha naiknore ka mana.



Ululahu Jone 5:11-13 Igne unha te chekeni God
ka tahati na: God tusu ranghi ghita karha fei
tifa, eghuteuna karha igne mei balugna Thugna.
Eghume ihei te hatini Thugna God na hatini
thofno karha na. Nu ihei te theome hatini
Thugna God na theome hatini thofno karha na.
Iara riso ari letas igne ka ghotilo naikno te
fatutuani ni Thugna God ra. Iara riso ari ka
ghotilo mala laseni gognaro ghotilo te
hatini thofno karha na.



Matiu 26-28; Luku 22-24; Jone 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Wycliffe Bible Translators Inc. (mrn) © 2022,
All rights reserved.

<https://www.bible.com/bible/3230/GEN.1.NKJV>

©2026 Bible for Children, Inc.

www.M1914.org

www.bibleforchildren.org

